

**ხელშეკრულება №2019/20**  
**სახელმწიფო შესყიდვის შესახებ**  
**(გამარტივებული შესყიდვა)**

ქ. ბათუმი

19 თებერვალი 2019 წელი

საქართველოს საკონსტიტუციო სასამართლო, შემდგომში წოდებული „შემსყიდველ ორგანიზაციად“, წარმოდგენილი ეკონომიკური დეპარტამენტის უფროსის, რამაზ კობახიძის, სახით და სს „ჰიუნდაი ავტო საქართველო“, შემდგომში წოდებული „მიმწოდებლად“, წარმოდგენილი მისი დირექტორის, დავით გიორგობიანის, სახით ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის 10<sup>1</sup> მუხლის მე-3 პუნქტის „თ“ ქვეპუნქტის საფუძველზე, გამარტივებული შესყიდვის წესით დებენ წინამდებარე სახელმწიფო შესყიდვის ხელშეკრულებას შემდეგზე:

**მუხლი 1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი ორგანიზაცია“ – პირი (ორგანიზაცია), რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6. „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – ხელშეკრულების პირობების შესრულების კონტროლი.

**მუხლი 2. ხელშეკრულების საგანი (შესყიდვის ობიექტი)**

საქართველოს საკონსტიტუციო სასამართლოს ბალანსზე რიცხული 1 (ერთი) ერთეული ავტოსატრანსპორტო საშუალებისათვის (HYUNDAI ELANTRA სახელმწიფო № OO-779-GG) დანართი №1-ის შესაბამისად ავტოტექნიკური მომსახურების სახელმწიფო შესყიდვა (CPV - 50110000).

**მუხლი 3. ხელშეკრულების ღირებულება**

- 3.1. ხელშეკრულების ღირებულება შეადგენს **978.00 (ცხრაას სამოცდათვრამეტი) ლარს**.
- 3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების პირობების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

**მუხლი 4. ანგარიშსწორების ფორმა და ვადები**

- 4.1. მიმწოდებელთან ანგარიშსწორება განხორციელდება უნადლო ანგარიშსწორების ფორმით ეროვნულ ვალუტაში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 4.2. შემსყიდველი ორგანიზაცია იღებს ვალდებულებას გადაუხადოს მიმწოდებელს გაწეული

მომსახურების ღირებულება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 10 (ათი) სამუშაო დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

4.3. დაფინანსების წყარო: 2019 წლის სახელმწიფო ბიუჯეტი.

### **მუხლი 5. მიღება-ჩაბარების წესი**

გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით დადასტურებული მომსახურების გაწევის აქტებისა და ხელშეკრულების პირობების შესრულებაზე კონტროლის განმახორციელებელი პირის/პირების დადებითი დასკვნის საფუძველზე.

### **მუხლი 6. მომსახურების გაწევის ადგილი და ვადები**

6.1. მომსახურებს გაწევის ადგილია მიმწოდებლის ავტოტექნიკური მომსახურების სერვისცენტრები.

6.2. მომსახურების გაწევის ვადაა ხელშეკრულების დადებიდან 2019 წლის 31 დეკემბრის ჩათვლით, დანართი №1-ში მითითებული პერიოდული.

### **მუხლი 7. მხარეთა ვალდებულებები და უფლება-მოვალეობანი**

7.1. **შემსყიდველი ორგანიზაცია უფლებამოსილია:**

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების ინსპექტირება;

ბ) მომსახურების გაწევის დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. **შემსყიდველი ორგანიზაცია ვალდებულია:**

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულებით გათვალისწინებული მომსახურების პროცესს.

7.3. **მიმწოდებელი უფლებამოსილია:**

მოსთხოვოს შემსყიდველ ორგანიზაციას გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. **მიმწოდებელი ვალდებულია:**

ა) ხელშეკრულებით დადგენილ ვადებში და ადგილას გაუწიოს შემსყიდველ ორგანიზაციას მომსახურება.

ბ) შემსყიდველი ორგანიზაციის ავტოსატრანსპორტო საშუალების მომსახურებას მინიჭოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

### **მუხლი 8. ხელშეკრულებით ნაკისრი ვალდებულებების შესრულების ინსპექტირება**

8.1. შემსყიდველი ორგანიზაციის მიერ ხელშეკრულების პირობების შესრულების კონტროლი განხორციელდება ხელშეკრულების შესრულების ნებისმიერ ეტაპზე.

8.2. ხელშეკრულებით ნაკისრი ვალდებულებების შესრულების ინსპექტირებას განახორციელებს საქართველოს საკონსტიტუციო სასამართლოს ეკონომიკური დეპარტამენტის უფროსი სპეციალისტი - თამაზ აბუსელიძე.

8.3. ინსპექტირება გულისხმობს მიმწოდებლის მიერ ხელშეკრულების პირობების შესრულების (გასაწევი ან/და გაწეული მომსახურების მოცულობის, ხარისხისა და ვალდებულების შესრულების ვადების) კონტროლს.

8.4. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## **მუხლი 9. პირგასამტეხლო ხელშეკრულების პირობების შეუსრულებლობისათვის**

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი ორგანიზაცია იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## **მუხლი 10. ხელშეკრულებაში ცვლილების შეტანა და ხელშეკრულების შეწყვეტა**

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## **მუხლი 11. დაუძლეველი ძალა**

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში, შესაბამისი მხარე არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან;

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## **მუხლი 12. დავები და მათი გადაწყვეტის წესი**

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## **მუხლი 13. ხელშეკრულების მოქმედების ვადა**

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2020 წლის 31 იანვრის ჩათვლით.

#### **მუხლი 14. სხვა პირობები**

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2. ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე. აქედან 1 (ერთი) ეგზემპლარი გადაეცემა მიმწოდებელს, ხოლო 1 (ერთი) – შემსყიდველ ორგანიზაციას. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულებაში ნებისმიერი ცვლილება ან დამატება განხორციელდება წერილობით და ძალაშია ორივე მხარის უფლებამოსილი წარმომადგენლის ხელმოწერის შემდეგ.

14.4. დანართი №1 თან ერთვის ხელშეკრულებას და წარმოადგენს მის განუყოფელ ნაწილს.

#### **მუხლი 15. მხარეთა რეკვიზიტები:**

##### **შემსყიდველი ორგანიზაცია:**

**სახელწოდება:** საქართველოს საკონსტიტუციო სასამართლო

**იურიდიული მისამართი:** ქ. ბათუმი, კ. გამსახურდიას 8-10

**საიდენტიფიკაციო კოდი:** 203840175

**სახელმწიფო ხაზინა, კოდი** TRESGE22

**ანგარიშის ნომერი:** GE24NB0330100200165022

**ტელეფონის ნომერი:** 04 22 27 66 49

##### **ეკონომიკური დეპარტამენტის**

**უფროსი:** რამაზ კობახიძე

##### **მიმწოდებელი:**

**იურიდიული ფორმა და დასახელება:** სს „ჰიუნდაი ავტო საქართველო“

**იურიდიული მისამართი:** ქ. თბილისი, დავით აღმაშენებლის ხეივანი მე-12 კმ

**საიდენტიფიკაციო კოდი:** 204 478 948

**მომსახურე ბანკის დასახელება:** ს.ს „თი ბი სი ბანკი“

**ბანკის კოდი:** TBCBGE22

**ანგარიშის ნომერი:** GE15 TB11 0000 0110 4679 97

**ტელეფონის ნომერი:** 591 50 50 25

**სს „ჰიუნდაი ავტო საქართველო“-ს**

**დირექტორი:** დავით გიორგობიანი

№	სათადარიგო ნაწილების დასახელება	ერთ. ფასი	მომსახ ურება	72000 კმ	82000 კმ	92000 კმ	ჯამი
1	ძრავის ზეთი	100.00	0.00	100.00	100.00	100.00	300.00
2	ძრავის ზეთის ფილტრი	20.00	15.00	35.00	35.00	35.00	105.00
3	წინა ხუნდები	199.00	15.00			214.00	214.00
4	უკანა ხუნდები	140.00	15.00		155.00		155.00
5	ჰაერის ფილტრი	40.00	0.00		40.00		40.00
6	კონდენციონერის ფილტრი	60.00	10.00	70.00			70.00
7	ანთების სანთლები	74.00	20.00			94.00	94.00
8	ძრავის ღვედი	ავტომანქანის ძრავი მუშაობს ჯაჭვზე და აღნიშნულ გარბენზე არ იცვლება					
	<b>ჯამი ლარში:</b>			<b>205.00</b>	<b>330.00</b>	<b>443.00</b>	<b>978.00</b>

ეკონომიკური დეპარტამენტის  
უფროსი: რამაზ კობახიძე

სს „ჰიუნდაი ავტო საქართველო“-ს  
დირექტორი: დავით გიორგობიანი